



四

04711

念堂詩草 歸田草

將抵里 道光十四年

晚節登場歲屢遷身名無恙好歸田多時宦况深山裏半
月行程熟食前用世聊償蓬矢志還家正遇杏花天一車
兩僕初來路掄指重經已八年

抵家

喜見西郊樹重重映郭門人如尋壘燕路辨近城村兄弟
容顏改親隣笑語溫離鄉今八載次第認諸孫

作吏頭全白歸來憶舊廬且迎門外客未理篋中書故友
念堂詩草 卷四
存亡異新田水旱餘乍還猶夢寐久住定何如

遊濟南

閒遊逸興老猶貪佳境常懷濟水南未到齊州先一笑惜
華相對引征驂

當年遊歷向秋風城郭山川處處同却怪大明湖上水照
人忽變白頭翁

經下河厓至袁家莊

騎驢向城南逐處閱耕穫秉穗滿秋場暫息場邊樹行行
至前村舊宅時一顧去此五十年廬舍全非故詎知舊主
還適與故人遇往事說孩提老顏感衰暮一一訪鄉鄰昔



人存有數何異化鶴歸飛來遼東路

下河厓田舍

上冢屢經過少小村居日豈知六十年積俸有此室草屋
四五間低小僅容膝宅後數畝田禾稼頗蒙密晚豆生青
角秋棗垂朱實北望見先塋古栢森鬱律買田隴畔心後
人尙無失

南村

菜蔬生東圃禾稼滿南阡偶逢相識人情話何流連年貌
非篤老胡爲早歸田簿書與耕稼勞逸當相懸何如食廩
祿養此桑榆年食祿固爲好曠官詎非愆於世旣無補所

念堂詩草卷四

二

願老林泉

偶興

解印歸來雪滿顛重尋舊篋理殘編雲烟過眼廚中晝晴
雨關心郭外田老尙買書償夙志瘦猶強飯望豐年連朝
預卜秋成好免累兒曹寄俸錢

過李雪堂墓

白馬曾來奠一觴孩提交誼感存亡路邊新塚生秋草村
後悲風下白楊三步車過眞腹痛百年事去只心傷紛紛
相識知多少誰似雷陳道義長

退老

退老歸鄉邑幽居盡日閒攤書消白晝伏枕夢青山令長
絕千請親朋稀往還生徒多白首時復款柴關
素性多疎曠家庭老未安勤勞思稼穡束縛厭衣冠田舍
長懷古音書只勸餐天涯朋舊在無計奉清歡

城南晚歸

憶昨城南見稷苗秋河再渡水迢迢貪看收穫歸來晚笠
影斜陽自過橋

河上獨酌憶諸子

樽中適有酒對飲無朋儔興來命小僕河上聊夷猶平隄
淨如掃隔岸禾稼稠席地且自酌坐攬城南秋憶昔引衆
念堂詩草

卷四

三

雖來此臨清流拾薪爲煖酒跳盪向沙洲忽踰二十載遠
方各宦遊爾作服車馬我爲脫輓牛撫境感今昔湍驚歲
月適此樂難再得言念何能休

袁家莊秋居

卜宅南村老又來當年廬舍半疑猜閒行徧認村邊樹盡

是劉郎去後栽

唐句

指點先疇念所生南村三里接孤城童年記得讀書夜風

靜時聞擊柝聲

張望高槐古廟秋繞村到處記前遊相逢莫怪無前輩童
稚稱名盡白頭

白露涼風八月天
南村景物故依然
棗紅禾熟人來往
振觸童心六十年

李莊有感

少年此地數經過
今買田園奈晚何
休說故人零落盡
村邊老樹亦無多

宦蹟當年西入秦
訪求舊業爲酸辛
田廬易主兒孫絕
剩

有流傳守墓人

村東有先鹿門
司馬子孫墓

幽居

拙宦多難遣幽居
詎自如一生閒日
少萬事老年疎
鳥雀從喧聒
庭階倦掃
除此心緣未斷
只有舊藏書

念堂詩草

卷四

四

紀行

十五年

憔悴榮華閱歷身
老年無故走紅塵
此來不借仙翁枕
我是黃梁夢醒人

邯鄲

鄴城形勝晚烟中
昏暮經過一夢同
不見韓陵碑上字
飛塵撲面打頭風

彰德

孟津渡黃河

數里平沙路茫茫
臨大河天寒聚行旅
水落見坡陀
短棹隨流逸
遙山隔岸多
洛陽知不遠
風景近如何

紀行

南渡黃河半日程
白頭初到洛陽城
萬重意在行人少
不

作家書說旅情

河南府

山岫孤雲未易還何須回首望鄉關
官衙若有思親夢正在邨山洛水間

河南道中

鹽車塞路旅人愁半夜奔馳未敢休
四十里長一條路雞鳴月落出茅溝

茅草溝

蒼茫雪意滿山林半夜無聲數寸深
自笑衰翁能忍凍孤燈旅店擁寒衾

聞喜

入鄉寧界

入境惟見山嶙峋石多土少無居民
荒厓一二土穴冷烟火不見東西鄰
路遇擔負販薪炭面色如墨衣懸鷄
况值

念堂詩草

卷四

五

歲歉粟騰貴枵腹忍凍何時春安得
長官有白傅大裘徧覆山中人

接光第保定學署書有感却寄

保陽學舍一椽寒食俸休輕首偕盤
記是少年曾到處而翁低首謁儒官

乾隆丁未遊蓮池書院曾謁監院丁教授

鄉寧與故治蒲縣接壤

歸來還我是悠悠今日重爲近縣遊
鞭撻拜迎思往事不堪回首望封邱

問仲弟時林署遷安訓導有感

令支捧檄訓諸生憶我曾經此地行
四十餘年如昨夢秋

風襪被走邊城

歸思

春風昨歲還鄉路今冬又到山深處二千里外我重來老
眼猶識南山樹衙齋無事手一編朝朝甘旨奉高年豈知
兩載學農圃漸習粗淡疎肥鮮况聞鞭笞擾晝讀又被鈴
柝驚宵眠綵服歡笑固爲好羸軀留滯非所便稍待天煖
且歸去城南還課耕春田

去鄉寧寄示光笏

十六年

爲思少子冒寒來煖逐春風却又回官舍團圓三月佳家
書問訊幾番猜

家中未
知西來

安能骨肉同相聚自覺形容老漸

念堂詩草

卷四

六

催送我山城東畔路三年兩度此徘徊

趙城傷楊菊泉明府

中夜無端噩夢驚全家魂魄慘刀兵長官愼密防姦早左
道披猖速禍成駢首藁街骨猶臭褒忠祠屋氣如生鄰封
曾記詩筒到無限悲涼過趙城

滹沱河上

流水長橋隔煖塵滹沱河畔小途巡停輿且酌三杯酒一
樹桃花野店春

途中所見

我行十日晉中路路逢載柩不知數負以兩騾或一車寡

妻孤子衣縞素大抵商賈在他鄉歲月淹留各有故賞
謂待多贏餘捆載言旋未遲暮豈知人願天不從中道奄
忽隨朝露鄰里徒作舊悲傷哭弔但成新塚墓骨骸歸葬
雖有期游魂飄散知何處嗟爾胡不早歸來黃泉一去何
時寤

下山

過盡崎嶇處驟輿穩趁程幾朝聽語變一路到家平曠野
遙生靄初陽遠照晴望中空濶其翻憶在山行

下河涯別墅

別墅城南好薰風刈麥朝田多人似蟻村靜樹鳴蜩僻地
念堂詩草

卷四

七

鄉風古衰年遠志消只應農圃輩隨遇樂清朝

別墅

別墅依南郭來逢村舍晴當風開北牖隔水見秋城晚稼
連阡長閒雲映日明城居偏近市到此暫心清
地接先塋近蕭森柏樹林松楸千古色霜露一生心俯仰
成衰老蒼茫若古今童年祭掃地追憶一沉吟

下河涯田舍

城南小邱壑乃是柴桑里秋田時收穫乘興遂來此黍稷
已蒸炊菽粟漸積累隣曲逐夕來說稼各自喜言辭雖粗
俗一一含妙理人散輒高眠醒卽披衣起

田舍寂已曙野外聞征鴻晨興出柴扉初日正在東稼收
川原曠棗剝林樹空零露沾衰草烟霧何空濛健鷓翔寥
廓野鳥栖幽叢昔作宦遊客今爲田舍翁

農夫喜秋成禾稼滿場圃日聞碌磳聲鋤揚力共努秋斂
亦云勞况當種入土苗出日望長田乾日望雨揮鋤汗交
流曝背日當午有田知催租誰識佃人苦

袁家莊

秋風禾黍南村路恍憶童時游戲處五十年後我重來門
巷彷彿人非故曾見先生跳盪時惟有村外百年樹往事
回首如驚波舊田賣去新田多鄰曲兒孫相識少昔夢重

念堂詩草

卷四

八

尋奈老何

陶鳧薌先生編綴輔詩囑梅樹君同年見招途中偶

成

韓毛兩傳久荒萊燕趙風詩待剪裁吟社夙心憐我老詞
壇生面喜人開頗聞遺藁叢叢聚不避清寒得得來前輩
有靈應一笑白頭披誦又添陪

鄭家口道中

役役隨車馬征塵上客衣晚雲低不動斜日淡無暉岸轉
帆相逐樹多鴉亂飛老年游興在遲暮未思歸

題東廡王畫像

爲湯厚田學博作

展卷驚初見前朝異姓王
英姿儼寰鄂駿烈等徐常身退
恩榮極祠留俎豆香煌煌昭史冊人識故豐湯

久矣山河改風流想像難
文孫思水木異代見衣冠世闕
麒麟閣清門苜蓿盤影堂香一炷留與後人看

蘆花

和陶鳧薌先生用漁洋秋柳韻

蘆塘悵望頓驚魂花繞漁莊各掩門
淺水迷離疑月色長隄浮動驗風痕
茫茫小蕩渾無路隱隱低橋又有村
一夜扁舟栖宿處江鄉風味共誰論

紛紛作絮白於霜散漫清陰照野塘
顧影自慚依玉樹裝衣不稱疊金箱
秋聲起處悲商婦色界空時悟梵王
吟到

念堂詩草

卷四

九

藤蘿洲上月詩情轉憶碧雞坊

色從淡處轉堪憐白壓溪頭一抹烟
乍可疎風吹獵獵不宜冷雨溼綿綿
青葱猶記萌芽日蕭瑟偏驚老大年
落鴈浮鷗紛點綴十分秋意渺無邊

夢掃寒風絮客衣十年九陌憶前非
昔看明月憐身冷今對繁霜感鬢稀
瀟灑何妨臨水立輕狂未便逐人飛
等閒春浪桃花煖領略年華莫暫違

和答鳧薌先生用途中偶成韻送別

海田歸去刷蕭萊唱和金牋憶疊裁
詩境頻添吟興好佛緣况值選場開
秋風落葉人同掃春水桃花我定來
細檢

魯魚付剞劂讐書末座許重陪

附用韻送念堂歸里卽訂重來之約 陶樾

晚香亭畔剪蒿萊准備琴尊句共裁爭看軒車高士集

還同湖海選樓開

湖海詩傳之刻蘭泉司寇
延同校訂距今三十五年

姓名廿卷

編初定杖履三春許再來差喜時清公事簡不妨吟嘯

日追陪

長相思

名山無多遊一遊暢懷抱美酒無多飲多飲愁醉倒良友
長相思每恨相見少相見不相知不如相思好

自東光歸宿寨子

念堂詩草

卷四

十

霜清月苦冷侵尋村店荒寒思不禁炭火一爐消永夜油
燈半壁擁重衾郡齋曾對編詩客學署聊償就養心歲晚
歸來堪一笑無人到處尙孤吟

整書有感

先世多藏書卷軸堆滿屋相後未百年散失餘做籠童稚
嗜簡編耽耽虎視肉少長喜博涉通借徧鄉曲樽節時購
置風雨輒鈔錄所購僅盈架所鈔紛成束筆耕無餘貲年
老沾微祿作吏亂山中購求艱採玉捆載數騾歸宦橐驚
俗目念我致此難珍惜藏家塾聊慰平生心豈必子孫讀

讀近人詩有作

詩卷紛綸萃衆賢每逢佳處一流連爲醫誰是肱三折求
艾深知病七年不昧已心惟咏史最欺人語是談禪胸中
柴棘消除盡成佛生天倘偶然

宿寨子 十八年

去年臘日我東歸冷烟繞樹寒鴉飛暮投村店拂塵土僕
夫就竈燎征衣今年正月我西去行行又到前宿處一杯
濁酒盪春寒耿耿孤燈無與語少年游歷越關山老知萬
事不如閒先生老矣閒不得猶自往來道路間

清明前東光作

胡蘇亭畔日遲遲忽憶衣衫慘綠時南郭快游莎草徑東
念堂詩草 卷四

十一

風笑折杏花枝緣何陶令歸田後慣誤龐公上塚期丙舍
關心多少事清明時節又支頤

東光學署清明

客裏清明未見花繞城春樹映飛沙風多只覺春無賴興
在那知生有涯書卷縱橫欺目力酒杯傾倒送年華散園
朋舊多相訪應怪經時不在家

次韻答李集堂 明府見寄

論文常笑白頭新一首新詩識性真老我常思名下士如
君果是意中人身辭印綬原非病腹滿文章定不貧說到
杜陵交有道何須相見始相親

大風宿德州北野店

向夕飄風起塵沙
隱日飛孤村三戶
少野店一燈微勝事
心空慕壯遊年已非
重來酖夙諾還掩故園扉

德州道中

輪蹄到處起塵沙
西過浮梁道路賒
芳草長隄飛燕子
晴風廣陌走楊花
紅墻遮寺香臺隱
綠樹圍村酒旆斜
初夏不防天氣熱
乞漿時向野人家

臨清見謝茂秦故里碑

布衣倔起擅詩名
堪笑時賢太世情
七子論文真戲劇
諸王愛客有逢迎
梁園風雅尊流寓
京國壇場首主盟
白雪念堂詩草卷四
高樓迷處所遺碑
猶表謝先生

十一

題邊袖石浴禮詩卷

河間七子聲隆隆
稱詩尤數隨園翁
一門羣從多傑出
同研曾遇詩中龍
謂尊甫巨峰乾隆丁未蓮池書院予與同舍
津門訪舊來覺宮
巨峰官天津教授
忽觸少年飛動意
往來翻唱無春冬
當階玉樹森然立
其時少者方成童
從宦遂與故人隔
不見竟至參商同
聞讀父書有令子
垂老難遇心忡

忡豈知會合有天幸
各由招致來天雄
陶臯瀟先生編畿輔詩傳延同校訂

十年重見悲且喜
彷彿猶識當時容
急索詩卷驗家學
展

讀光怪騰飛虹
十盪十決勇無敵
猿臂力挽雙黃弓
直可

睥睨視前古不但神駿追門風願留老眼且不死薈雲看
子行長空

雲坡爲寫小照自題

七十年光如流水老去心情萬事已結習惟有吟詩心偶
似跛者不忘起展卷忽逢身外身鬚眉對鏡無此真脫帽
露頂柳陰下干卿何事傳我神少日田間學識字無端妄
抱青雲志薄宦無成歸去來除却間吟了無事雲坡年少
筆能奇貌出老態兼神思恨不與君同年少寫我狂吟跌
宕時

憶晚香堂高寄泉邊袖石

念堂詩草

卷四

三

肅肅晚香堂森森中庭柏憶校鄉賢詩兩度從茲役百家
萃精華妙理恣尋繹一字未得解如物鯁膺膈博觀戒泛
濫約取凜刻覈但愁精蘊昧敢遽瑕疵摘瘁力報所知撫
躬老相迫驅車別名郡冒暑還故宅閉門市塵中逍遙理
書冊日惟飲無何人莫共晨夕旣嗟素願違復悵同心隔
遙念郡齋靜辛苦編詩客

自述

歸來兩鬢早皤然白晝觀書夜醉眠有歲良田供脫粟無
花老眼愛新編一生難再是年少萬古何時如目前祇惜
同游零落盡追思往事總雲烟

飲酒

書在案頭杯在手昔日狂生今老叟門外萬事不經心卷
中一語時低首詩壇迴薄萬古胸鬼錄悲涼三五友意外
小醜或跳梁心所厭薄惟緘口氣燄赫赫如風燈衣冠楚
楚亦芻狗世間自狗苟麀迷天上任烏飛兔走不談佛祖
恣誑誕豈慕神仙說烏有九轉靈丹可延年何如對案一
杯酒

田間卽事

西風吹柳咽寒蟬打棗聲中種麥天垂老祇知農事重斜
陽倚樹看耕田

念堂詩草

卷四

十四

訪李霽峰劉雲衢歸過鹽山有感

昔我同心友忽忽別經時及今不往見後會將何期夙興
整車馬百里歌載馳見我驚老瘦憐君亦衰遲相對一樽
酒聊慰十年思身事且勿道各誦別後詩

東去平津鄉西入清池境忽驚門巷改別開屋廬靜眼中
詩滿壁几上書還整過我又經年來此真有幸對飲寧屢
空夜談燭更秉晨起悵東歸離緒徒耿耿

訪友復東歸驅馬高城道慨然緬昔游親舊皆宿草意欲
暫流連向誰說懷抱憶昔亦尋常難再如前好無人知經
過空見城頭烏

去獻縣學署寄時林弟

昔予遊河東家園遂判袂及予罷官歸宦跡遠留滯

時林署遷

安訓

就養來東邑旋復天雄逝

來東光學署旋兩遊大名

補官至獻陵

相去百里計謂可旦夕逢忽忽隔三歲努力膏我車始得見吾弟燈燭言語譁兒女酒漿繼一子方成童扶掖時旁睨一子纔八齡頗知愛篆隸紛紛賓客來酬應門難閉酒筵日稠疊詩卷亦附麗勉作十日留頓覺精力做臨別無他語教子事文藝庭訓不可忘庶以綿家世

題王蘭村詩卷

言詩來已暮吾子獨深情晚節除豪氣孤吟得正聲天高

念堂詩草

卷四

五

雲淡蕩雪靜月空明爲念伊人在迢迢衛水清

訪徐珏亭

夙抱千秋志孤懷孰與親老年如一夢吾邑見斯人雪色三冬冷梅花萬樹春衝寒相訪意浩蕩洗胸塵

訪徐珏亭途中作

孝穆才華舊著名忘年早有定交情東籬笑我歸三徑南面多君擁百城相士頗矜粗有識耽書深愧老無成莫嫌臘日初相訪來聽吟詩擊劍聲

五載

五載逍遙久挂冠年來只計此身安重衾貪睡如春煖薄

粥充虛耐曉寒詩酒狂情忘老易朋交遠道寄書難閉門
城市無知己時檢巾箱舊札看

食蝗 十九年

魚腹漫誇新婦臂蕨芽休說小兒拳蒜苗細糝餐冰玉海
畔春風買醉天

過刁公樓故址

西行百里過荒陬傳說刁公舊有樓渺渺平沙無客到白
雲綠樹自千秋

麥秋

昔去南村落葉鳴今來又見綠陰成薰風滿樹初鳴鶯蓬

念堂詩草 卷四

六

魄秋場打麥聲

哭孫續善

讀書端自孝經開老見清門有造才書在案頭魂已去十
年聰慧爲何來

玉折蘭摧劇可憐詩書枉自結因緣哭孫又似哭兒慟振

觸傷心四十年 第二子亦
十歲殤

天河

風卷纖雲薄似羅秋天絡角見明河悠悠一水分流去莫
怪人間歧路多

東光學署接樊文卿詩奉答 時司訓
冀州

幾載并門別新詩忽又來故人官况好老我笑顏凋靖節
耽名酒宗師抱異才何當河朔去避暑共銜杯

邑解生

孟熊

客死青縣柩歸妻樂陵王氏慟不欲生

投井而死賦此哀之

君出求食妾守空房痛君一病客死他鄉君柩雖歸不見
君面妾恨井深妾命泥賤蓮子心苦無人知黃泉倘與君
相見

赴太原 二十年

穀雨節後初離家驛與安穩輕於車年來慣走城西路飽
看蓮村桃杏花經過胡蘇古亭畔諸孫羅列供晚飯夜來

念堂詩草

卷四

七

雷雨朝猶陰呼舟送過河西岸一路春風吹客行陸程歷
盡又山程六年不踏晉山道騾蹄趑趄心怏怏昔日辭官
悔不早就養重來覺更老頭髮添白臉消紅腰脚那復如
前好十五年來瞥眼過茫茫宦海如流波擬尋相識說往
事當時舊侶知無多

陽曲署書懷

趺鈴聲裏已春還重到并州夢寐間霜雪無情添白髮烟
雲有分看青山酒杯漱澗人同醉公事紛紛我自閒却慮
田園經久旱先將書札問鄉關

游晉祠

一水清如許靈祠據上遊樹陰涼似雨泉色淡宜秋人遠
詩仍在碑殘字尙留蒼茫懷古意重此到并州

庚子秋紀事

舉世迷茫藥沉酣劇可憐 九重嚴厲禁萬里萃夷船僻

邑遭吞噬

定海縣

邊民苦棄捐直沽畿輔近嚇詐索金錢

海船何能逞清時我用兵猶狂渠輩技慎重我 皇情諸
將甘摧抑羣愚果 聖明休開三面網常願樂昇平

陽曲署

故園霽雨水平壩却對秋山壁蟹螯別有坦途通酒國更

無俗事出塵牢晚風吹樹鴉羣亂斜日平坡鴈影高剛送

念堂詩草

卷四

六

親朋歸里去獨窺明鏡惜霜毛

歸宿獲鹿有懷高寄泉學博

時居憂樂城

歷盡崎嶇路山途不易行寒宵宿獲鹿故友滯樂城老病
還家客艱難作孝情聊通書一紙歎息爲高生

過趙陵

蠻夷稱大長祖父有遺邱古墓人能識荒郊跡尙留英雄
家萬里憑弔事千秋臣主同漸滅長陵土一抔

七月八日卽事二十一年

避客城南去栖身有敝廬荒園開雨後早稼刈秋初小飲
攜來酒開翻讀過書年年當此日村外一停車

感事

萬里夷船趁海潮，迷人狂藥亂昏朝。
國威震動三軍出，鬼火披猖一炬燒。
兵氣不揚何日進，妖氛未卜幾時消。
年將八十功名晚，空立原頭看射雕。

有感

黑風鬼國徧江湖，明詔難醒舉世愚。
染病急如求藥餌，醉人酣過飲醍醐。
海疆殘破民居少，軍陣迢遙殺氣孤。
太息白頭心未已，燒燈寒夜讀陰符。

除日得獻縣時林弟書

爾被微官縛，吾隨少子居。
一年將盡日，千里得來書。
兒女

念堂詩草

卷四

九

勞婚嫁庭階曠，掃除當時兄弟輩。
寂冷侍親廬。

咏試刀石

二十二年

一塊山中石，六郎曾試刀。
將軍聞射虎，千古事同豪。

代州

滹沱一水自彎環，北望岩巒勾注山。
莫把寒衣爲長物，秋風易入鴈門關。

晉王墓

英雄慷慨起沙陀，蕃漢威聲永不磨。
苦戰終能全首領，生兒竟得復山河。
百年歌闕勲名晚，三矢功成意氣多。
今過鴈門一憑弔，千秋遺塚尙嵯峨。

謁孫忠靖公祠

舉世垂亡日全家盡節人艱危思大將板蕩失良臣促戰
朝廷誤褒忠俎豆新曾觀明史傳瞻拜益傷神

笏兒擢守松江久無消息

擢守雲間去并州老影孤兵戈知日近安穩到官無鬪月
艱書信流言滿道塗何當名將出發憤一征誅

僑居太原五宜園

荒園無事興蕭疎僮僕閒眠倦掃除曉日照亭鴉散後晚
颼吹樹葉飛初衰殘苦憶家鄉味稠疊頻來子弟書

東光元城
連次書來門外幸無車馬客十分幽靜似村居

念堂詩草

卷四

三

元城學署

歸家千里道途難又就天雄首蓓盤萬樹冰條三寸雪重
衾壓夢不知寒

光輿

男光第全校

光笏

念堂詩草

南遊草

慶雲 崔旭 曉林

平山堂

道光二十三年癸卯作時年七十有七

揚州知有平山堂垂老到此思歐陽其時復有東坡老
新苗沒鶴題蜀岡風流相去六百載紅橋修禊來漁洋
稚雨山人尤好事沿溪堆石相低昂嗟予好遊生苦涼
前賢遺跡多荒涼題榜不見汝器鄭楹聯但餘退庵梁
我來懷古重歎息滿目古塚堆荒荒陵谷遷變概如此
人間無地非滄桑

念堂詩草

卷五

二十四橋

揚州四望水迢迢不見當年廿四橋怪得二分無賴月
春風寂寞玉人簫

到江南

麥苗匝地柳毵毵千里行程力不堪記得道園詩句好
杏花春雨在江南

焦山

潤州北望對孱顏掩映樓臺指顧間窮薄何嘗矜賦命
風帆一霎到焦山

一團樹色綠成圍漠漠江天白鷺飛佳處茅庵應好在
東坡何事不來歸

幾樹枇杷撲亞青百竿修竹自亭亭
漢鑪周鼎渾閒事
手自摩挲瘞鶴銘

夜過黃天蕩

夜過黃天蕩波濤鎮不平雲陰迷月色風力助江聲
欲渡緣何事深霄戡此行東方看既白未泊石頭城

過莫愁湖

江流煙水正模糊燕子磯邊石影孤且任榜人一枝櫓

念堂詩草

卷五

二

含情搖過莫愁湖

上元縣訪祖母家不得

九十年來事太遲報劉日短只含悲
低徊走過三條巷
徧訪居人總不知

泊江口

嗚嗚畫角鳴雲黑江村暮一夜雨兼風停船不敢渡

遊隨園

隨園詩境久疑思垂老能來事亦奇
白下偶遊人去後
倉山想見客歸時王朱派遠無堪繼
李杜壇空任所爲

往日風流何處問一抔黃土弔袁絳

虎邱山

南風乘興放輕舟四日停橈泊虎邱翠粲衣裳橋畔路
喧闐歌管水邊樓一天梅雨昏朝黠七里山塘晝夜流
八十年來塵土客江鄉佳麗此初遊

遊西湖

一生最是老來閒十里西湖一望間先訪愛梅林處士
舟人指點說孤山

西湖比似恰相宜試咏東坡絕妙詞激灑波光天色好

念堂詩草

卷五

三

恰逢西子淡粧時

山光雨後十分青斷續漁歌不可聽搖曳小船尋靜處

琵琶聲在水心亭

兩行綠柳護蘇隄來往遊人響馬蹄自愛沿湖尋故迹

一枝柔艣斷橋西

風流文翰重當時宦迹能留去後思人往千秋遺愛在

蘇公祠與白公祠

金牌十二詔師還羅織忠臣疑似間列跪墳前金亦辱

那同禹鼎鑄神姦

四圍山色淨無塵，鴈聲雁叫羣。老去自知無妄念，不曾乞夢過于墳。

過楓橋

月落烏啼睡正濃，客船早趁水溶溶。天明方過寒山寺，未聽楓橋夜半鐘。

七月八日同光笏宿焦山松寥閣

水鳥飛鳴鬧不停，松寥閣畔夢初醒。輝輝電影窻前見，滾滾江聲枕上聽。隔岸雲陰昏似墨，遙船燈火小於螢。同眠恍憶滄州署，夢語喃喃尙誦經。

念堂詩草

卷五

四

瘞僕王升於蘇州

同船卧病到吳門，帷蓋難酬犬馬恩。瘞汝興隆橋左畔，他年誰爲爾招魂。

赴松江過青浦夜行

一水松江路，船行夜未休。蟲聲繁似雨，螢火碎如星。野寺逢林見，踈鐘隔岸聽。天明霞變色，遙望塔尖青。

北歸

自別江南路，遲迴百事乖。微風生遠浦，細雨渡長淮。柳色村村是，蘆花岸岸皆。撫時兼歎逝，感喟老人懷。

過微山湖

半載江南醉裏過歸途始覺歲消磨微山湖畔逼宵睡
夢到家園事更多

歸途感興

見說江南好衰年去國遙山川如有待花鳥若相招勝
事偏多忌狂遊興轉消漸知歸近北樹色望蕭條

馬家口

草屋葭墻不避風樹陰時有賣魚翁垂楊兩岸家千戶
都在遊人詩興中

念堂詩草

卷五

五

見雁

二千里外費疑猜一紙家書無限哀正是近時鄉信斷
我方北去雁南來

登太白酒樓

在濟寧州
南城上

謫仙遺跡此高樓扶掖登攀最上頭東國才名稱六逸
南城飲興已千秋同龕賀監嘗騰醉投老崔駟汗漫遊
鄰近杜陵池館在晚涼洗馬媿風流

近接
南池

臨清州舟次感懷

自放揚莊棹艱難出閘時雨多知纜重風軟覺帆遲我

憶來遊路兒傷送別期經年歸已晚誰共說相思

甲辰秋日病後口占 以下名再生草
時年七十有八

衣裳慘綠門妖嬈異種攜來水路遙一點嬌紅如欲語

新花開到美人蕉

女自解集寄酒來有感

追思往事暗消魂幾樹垂楊處士門五十年前來往處

寄來美酒大姚村 米元章女
家大姚村

乙巳秋日下河厓村舍卽事 時年七十有九

柿赤梨紅酒一樽更無剝啄到閒門風吹殘綠瓜留種

念堂詩草 卷五

六

霜染深青芥有絲野老拾薪堆院圃田家隨地放雞豚

天涯知好如相憶身在津南黃葉村

光篔

男光第全校

光笏



